

ANEKS I

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13), člana 38. Zakona o pravobranilaštvu („Službene novine Tuzlanskog kantona“, broj: 4/04, 5/08, 2/14 i 4/18), člana 25. Statuta Grada Srebrenik („Službeni glasnik Grada Srebrenik“, broj: 1/24) i člana 8. Odluke o Gradskom pravobranilaštvu Srebrenik („Službeni glasnik Grada Srebrenik“, broj: 5/20) i Odluke o potrebi objavljivanja javnog oglasa za izbor i imenovanje gradskog pravobranioca u Gradskom pravobranilaštvu Grada Srebrenik, broj: 01-04-507-3/25 od 15.07.2025. godine, Gradsko vijeće Srebrenik, o b j a v l j u j e :

JAVNI OGLAS

za izbor i imenovanje gradskog pravobranioca
u Gradskom pravobranilaštvu Grada Srebrenik

I - Naziv pozicije

Gradski pravobranilac – 1 izvršilac

II – Opis pozicije

Gradski pravobranilac obavlja poslove samostalno u skladu sa Ustavom, na osnovu zakona i drugih propisa i općih akata, a naročito: predstavlja Pravobranilaštvo, rukovodi njegovim radom, stara se i odgovara za blagovremenost i ažurnost obavljanja poslova u Pravobranilaštvu; koordinira rad i odnose Pravobranilaštva sa drugim organima uprave u okviru Grada, te organima i institucijama na različitim nivoima organizovanja; zastupa Grad, njegove organe i druge subjekte, kada je to utvrđeno zakonom, Odlukom o osnivanju Gradskog pravobranilaštva i drugim propisima Grada, u sudskom i upravnom postupku; vrši poslove pravne zaštite imovine i imovinskih interesa Grada i gradskih organa i vrši poslove zaštite imovine i imovinskih interesa pravnih lica koje osniva Grad, ako je to aktom o njihovom osnivanju predviđeno; pruža stručnu pomoć gradskim organima, službama i ustanovama i pravnim licima koje osniva Grad, ako je to aktom o njihovom osnivanju predviđeno; daje mišljenje u postupku donošenja akata kojima se uređuju imovinsko-pravni odnosi i ugovore, a u skladu sa zakonom; preuzima mjere i pravna sredstva radi pravne zaštite imovinskih prava i interesa Grada, njegovih organa i drugih pravnih lica u slučajevima određenim zakonom, odlukom o osnivanju Pravobranilaštva i drugim propisima Grada; obavlja i druge poslove iz nadležnosti pravobranilaštva utvrđene zakonom i drugim propisima.

Gradski pravobranilac imenuje se na četiri godine.

III - Opći uslovi:

Kandidat za imenovanje na poziciju gradskog pravobranioca, treba da ispunjava sljedeće opće uslove:

- da je državljanin Bosne i Hercegovine;
- da je stariji od 18 godina;
- da je zdravstveno sposoban za obavljanje poslova za koje se kandiduje;
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije;

- da se na kandidata ne odnosi član IX 1. Ustava Bosne i Hercegovine;
- da nisu članovi niti obavljaju poslove u organima stranke, političkim udruženjima ili fondacijama koje su povezane sa strankom, niti su uključeni u bilo kakvu političku ili stranačku aktivnost,
- da nije član organa zakonodavne, izvršne vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine (“Službene novine Federacije Bosne i Hercegovine”, broj 70/08);
- da nije osuđivan za krivično djelo ili privredni prijestup, koji predstavlja smetnju za imenovanje na upražnjenu poziciju u periodu od pet godina od dana izdržane, izvršene, zastarjele ili oprostene kazne i da mu odlukom suda nije zabranjeno obavljanje aktivnosti na poziciji na koju se kandiduje i
- da se protiv njega ne vodi krivični postupak.

IV - Posebni uslovi

Pored općih uslova, kandidat za navedenu poziciju treba da ispunjava sljedeće posebne uslove:

- da ima završen pravni fakultet - VII stepen obrazovanja – odnosno visoko obrazovanje prvog, drugog ili trećeg ciklusa Bolonjskog sistema studiranja, koji se vrednuje sa najmanje 240 ECTS – pravne struke;
- da ima položen pravosudni ispit i
- da ima iskustvo u radu na poslovima zastupanja pred sudom, odnosno imovinsko-pravnim poslovima, u trajanju od najmanje 3 (tri) godine nakon položenog pravosudnog ispita, koji je radeći na tim poslovima stekao visok ugled pravnog stručnjaka i koji posjeduje najviše moralne osobine za obavljanje službe pravobranioca.

V - Potrebni dokumenti:

Uz prijavu kandidati su obavezni priložiti:

- kraću biografiju sa adresom i kontakt telefonom;
- uvjerenje o državljanstvu BiH (ne starije od šest mjeseci);
- izvod iz matične knjige rođenih;
- dokaz-diplomu o završenom fakultetu/studiju;
- uvjerenje o položenom pravosudnom ispitu;
- uvjerenje o radnom iskustvu na poslovima zastupanja pred sudom odnosno imovinsko-pravnim poslovima u trajanju od najmanje tri godine poslije položenog pravosudnog ispita;
- ovjerenu izjavu kandidata za alineje 4. do 7. općih uslova.
- uvjerenje od nadležnog suda da se protiv kandidata ne vodi krivični postupak (dokaz ne stariji od tri mjeseca).
- da nije osuđivan za krivično djelo ili privredni prijestup, koji predstavlja smetnju za imenovanje na upražnjenu poziciju u periodu od 5 godina od dana izdržane, izvršene, zastarjele ili oprostene kazne (dokaz ne stariji od tri mjeseca);
- da mu odlukom suda nije zabranjeno obavljanje aktivnosti na poziciji na koju se kandiduje (dokaz ne stariji od tri mjeseca);

Dokumenti koji se prilažu uz prijavu trebaju biti original ili ovjerene kopije.

VI – Napomene

Komisija za izbor će prije intervjua zahtijevati da kandidati koji su ušli u uži izbor daju podatke o odgovarajućem broju ranijih neposrednih rukovodilaca od kojih se mogu dobiti preporuke i informacije o kandidatima.

Kandidat koji bude konačno imenovan na oglašenu poziciju, dužan je u roku od 8 dana od dana imenovanja dostaviti uvjerenje - dokaz o zdravstvenoj sposobnosti od nadležne zdravstvene ustanove.

Oglas će biti objavljen u „Službenim novinama Federacije Bosne i Hercegovine“ i Dnevnim novinama „Oslobođenje“.

Oglas će biti otvoren 14 (četrnaest) dana, računajući od dana posljednje objave.

Sa kandidatima koji uđu u uži izbor bit će obavljen intervju od nadležne komisije Gradskog vijeća.

Nepotpune, neblagovremene i neuredne prijave neće se razmatrati.

Prijave sa potrebnom dokumentacijom mogu se dostaviti lično ili preporučeno poštom na adresu: Gradsko vijeće Srebrenik, ulica: Ibrahima Salihovića b.b., 75350 Srebrenik, sa naznakom: „Prijava na Javni oglas za izbor i imenovanje gradskog pravobranioaca – ne otvarati.“

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
-Gradsko vijeće –

PREDSJEDAVAJUĆI
GRADSKOG VIJEĆA

Nisvet Sejdinović

Broj: 01-04-507-4/25
Srebrenik, 15.07.2025. godine